

Broj: 01-14-5-69/23-6
Sarajevo, 31.08.2023. godine

Na osnovu člana 70. stav (3) Zakona o javnim nabavkama Bosne i Hercegovine («Službeni glasnik BiH», broj: 39/14 i 59/22) i Zapisnika o ocjeni ponuda Komisije za provođenje postupaka zajedničkih javnih nabavki za Federalno ministarstvo pravde i kazneno-popravne zavode, broj: 01-14-5-69/23-5 od 31.08.2023. godine, federalni ministar pravde, donosi

O D L U K U **o izboru najpovoljnijeg ponuđača**

U postupku javne nabavke putem otvorenog postupka za „Sukcesivna nabavka mlijeka i mliječnih proizvoda za potrebe kazneno-popravnih zavoda u FBiH“ dodjeljuje se ugovor ponuđaču Bosna –Kom d.o.o. Gračanica sa cijenom ponude 845.340,35 KM bez PDV-a.

Izabrani ponuđač je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14, 59/22), u roku od 5 dana računajući od dana zaprimanja obavijesti o rezultatima ovog postupka javne nabave.

O b r a z l o ž e n j e

Odlukom o pokretanju postupka javne nabavke putem otvorenog postupka, broj: 01-14-5-69/23 od 23.03.2023. godine pokrenut je postupak javne nabavke za dostavu ponuda za nabavku roba “Sukcesivna nabavka mlijeka i mliječnih proizvoda za potrebe kazneno-popravnih zavoda u FBiH” shodno Tenderskoj dokumentaciji, broj: 01-14-5-69-1/23 od 13.03.2023. godine.

Za predmetnu nabavku je objavljeno Obavještenje o nabavci na Portalu javnih nabavki dana 30.03.2023. godine pod brojem: 1134-1-1-8-3-22/23, Ispravka za Obavještenje o nabavci dana 04.05.2023. godine pod brojem: 1134-1-1-8-8-29/23 i Ispravka za Obavještenje o nabavci dana 10.05.2023. godine pod brojem: 1134-1-1-8-8-30/23.

Nakon provedenog postupka donijeta je dana 30.06.2023.godine Odluka o dodjeli ugovora ponuditelju Gold Mignon d.o.o. Sarajevo broj: 01-14-5-69/23-4. Na navedenu Odluku izjavljena je žalba od strane ponuditelja „BOSNA - KOM“ d.o.o. Gračanica i ponuditelja Lala i Laćo d.o.o. Bijeljina koji je uz navedenu Odluku izjavio i žalbu na zapisnik o ocjeni ponuda. Ured za razmatranje žalbi je žalbu ponuditelja Lala i Laćo d.o.o. Bijeljina odbacio kao neurednu rješenjem br. JN2-01-07-1-1897-6/23. Ured za razmatranje žalbi, rješavajući po žalbi žalitelja „BOSNA - KOM“ d.o.o. Gračanica donio je Rješenje JN2-01-07-1-1739-10/23 kojim se usvaja žalba žalitelja „BOSNA - KOM“ d.o.o. Gračanica izjavljena na Odluku o izboru najpovoljnijeg ponuđača broj: 01-14-5-69/23-4 od 30.06.2023.godine, poništava navedena odluka a predmet se vraća ugovornom organu na ponovni postupak.

Uzimajući u obzir gore navedeno rješenje Ureda za razmatranje žalbi BiH Komisija za provođenje postupka nabavke je izvršila ponovni pregled i ocjenu ponuda.

Komisija za provođenje postupka nabavke je dostavila federalnom ministru pravde Zapisnik o ponovnoj ocjeni ponuda, broj: 01-14-5-69/23-5 od 31.08.2023. godine, u kojem je utvrdila: Ponuda Lala i Laćo d.o.o. Bijeljina ima nedostatak i neprihvatljiva je jer nedostaje dokaz o kapitalu tj. nedostaje bilans stanja-pasiva radi utvrđivanja ekonomske i finansijske sposobnosti iz člana 47. Zakona i koja je propisana tačkom b.) 3.2.2. tendeske dokumentacije „kapital dobavljača“. Ponuda Max Trgovine d.o.o. Zenica ima nedostatak i neprihvatljiva je jer je uvidom u ponudu ponuđača Max Trgovine d.o.o. Zenica utvrđeno da se na stranicama od 39-41 nalazi Izvještaj o finasijskom položaju na kraju perioda (bilans stanja) na dan 31.12.2022.godine, na strani 40, oznaka za AOP 101 je vlasnički kapital (102+103+104+105+106) u iznosu od 10.000,00 KM. Tenderskom dokumentacijom je propisano da se ekonomska i finansijska sposobnost dokazuje na način da dobavljač na dan 31.12.2022. godine ima kapital ne manji od 15.000,00 KM, te da navedeno dokazuje bilansom stanja na dan 31.12.2022. godine AOP pozicijom 101. Uvidom u bilans stanja ponuđača Max Trgovine d.o.o. na dan 31.12.2022.godine utvrđeno je da se na poziciji AOP 101 nalazi iznos 10.000,00 KM. Naprijed navedeno upućuje da ponuđač nije ispunio uslov postavljen u vezi sa zahtjevanim kapitalom na AOP poziciji 101 u iznosu od 15.000,00 KM, jer je ponuđač dostavio bilans stanja na 31.12.2022.godine na čijem AOP 101 se nalazi iznos od 10.000,00 KM. Ponuđač Max Trgovine d.o.o. nije dostavio bilans stanja sa 31.12.2022.godine godine u kojem je naveden traženi minimalni iznos na AOP poziciji 101. Ponuđač Max Trgovine d.o.o. Zenica je dostavio Garanciju za ozbiljnost ponude koja važi do 13.08.2023. godine, ista je prestala da važi prije roka koji je određen tenderskom dokumentacijom. Članom 60 stav (1) Zakona o javnim nabavkama je propisano „Period važenja ponude određuje ugovorni organ u tenderskoj dokumentaciji. Period važenja ne može biti kraći od roka navedenog u tenderskoj dokumentaciji, ali ugovorni organ ne može da utvrdi rok kraći od 30 dana. Ako ponuđač u ponudi ne navede period njenog važenja, smatra se da ponuda važi za period naznačen u tenderskoj dokumentaciji. Članom 61. stav (1) tačka a) Zakona o javnim nabavkama je propisano „Garancija za ozbiljnost ponude je garancija u slučaju da ponuđač odustane od svoje ponude u roku važenja ponude. Članom 57. stav (1) Zakona o javnim nabavkama BiH je propisano da se u postupku javne nabavke kandidat/ponuđač pridržava se zahtjeva i uslova iz tenderske dokumentacije, te shodno navedenom ponuđač Max Trgovine d.o.o. nije postupio u skladu sa citiranom odredbom tenderske dokumentacije. Ponuda Gold Mington d.o.o. Sarajevo ima nedostatak i neprihvatljiva je jer se na stranicama od 48-51 nalazi Izvještaj o finasijskom položaju na kraju perioda (bilans stanja) na dan 31.12.2022. godine, na strani 50, oznaka za AOP 101 je vlasnički kapital (102+103+104+105+106) u iznosu od 13.000,00 KM. Tenderskom dokumentacijom je propisano da se ekonomska i finansijska sposobnost dokazuje da dobavljač na dan 31.12.2022. godine ima kapital ne manji od 15.000,00 KM, te da navedeno dokazuje bilansom stanja na dan 31.12.2022. godine AOP pozicijom 101. Uvidom u bilans stanja odabranog ponuđača na dan 31.12.2022.godine utvrđeno je da se na poziciji AOP 101 nalazi iznos 13.000,00 KM. S obzirom na navedeno ponuđač nije ispunio uslov postavljen u vezi sa zahtjevanim kapitalom na AOP poziciji 101 u iznosu od 15.000,00 KM. Članom 57. stav (1) Zakona o javnim nabavkama BiH je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije, te shodno navedenom odabrani ponuđač nije postupio u skladu sa citiranom odredbom i nije dostavio bilans stanja sa 31.12.2022. godine u kojem je naveden traženi minimalni iznos 15.000 KM na AOP poziciji 101. Ponuda Bosna-Kom d.o.o. Gračanica je potpuna i prihvatljiva.

Komisija je konstatala da je zaprimljena samo jedna prihvatljiva ponuda - Bosna - Kom d.o.o. Gračanica, a da su ponude Lala i Laćo d.o.o. Bijeljina, Max Trgovine d.o.o. Zenica,

Gold Mignon d.o.o. Sarajevo ocijenjene kao neprihvatljive, tako da je izvršeno konačno rangiranje: 1. Bosna –Kom d.o.o. Gračanica, cijena ponude 845.340,35 KM bez PDV-a.

Članom 3. stav (3) Pravilnika o uslovima i načinu korišćenja e-aukcije („Službeni glasnik BiH“, br. 66/16) propisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona, zbog čega je Komisija dala preporuku federalnom ministru pravde da donese:

Odluku o dodjeli ugovora ponuđaču Bosna –Kom d.o.o. Gračanica sa cijenom ponude 845.340,35 KM bez PDV-a.

Cijeneći navedeno, federalni ministar pravde je donio odluku kao u dispozitivu.

Pravna pouka: Protiv ove odluke može se izjaviti žalba Uredu za razmatranje žalbi Bosne i Hercegovine putem ugovornog organa u roku od 10 (deset) dana od dana prijema odluke.

Dostavljeno:

- GOLD MIGNON d.o.o. Sarajevo
- Max Trgovine doo Zenica
- BOSNA – KOM d.o.o. Gračanica
- Lala i Laćo d.o.o. Bijeljina
- Komisija za javne nabavke
- Arhiva

